

Razvojna banke KfW nastavlja podršku elektroenergetskim projektima u BiH.

Nakon vjetroparkova Mesihovina i Podveležje za koje su ugovori potpisan u visini od 72 i 65 miliona eura, obezbijedeno je i 60 miliona EUR za Vjetroelektranu „Hrgud“.

Ovo je rečeno na sastanku direktora Ureda Razvojne banke KfW u Sarajevu Matthias Schmidt-Rosena i direktora FIPA-e Gordana Milinića u Sarajevu.

Vjetroelektrana Hrgud nalazi se u opštini Berkovići, a njena izgradnja ukupno će koštati 127 miliona KM.

Osim KfW-a finansijska sredstva obezbijedit će i Elektroprivreda Republike Srpske u iznosu od 8,38 miliona KM, koja je i dobila koncesiju za izgradnju vjetroparka.

Vjetroelektrana je kapaciteta instalisane snage 48 megavata sa 16 objekata, odnosno sa po tri megavata po jednom objektu.

Očekuje se da ovaj projekat bude realizovan u narednih nekoliko godina.

Osim vjetroelektrana, KfW je finansijski podržžao projekte odvodnje, prečišćavanja otpadnih voda i vodosnabdijevanja u Bihaću, Zenici, Tuzli i Banja Luci, a sve na osnovu Sporazuma o saradnji kojeg su potpisali Vlada Njemačke i Vijeće ministara BiH.

izvor: indikator.ba